

ԺՈՐԺ ՎԵՆՍԱՆ ԱԶՆԱՎՈՐ (1861—1920)*

Բուսաբան ժորժ Վենսան Ազնավուրը, որի կենսագրությունից մեզ քիչ բան է հայտնի, իր կյանքը նվիրել է Ստամբուլի ֆլորայի ուսումնասիրմանը:

Ազնավուրները սերում են Վրաստանի մի հին գերդաստանից: Ժորժ Վենսան Ազնավուրի հայրը՝ Վիլեն Ազնավուրը (1807—1871) աշխատել է գանձապահ-հաշվապահ: 1849 թ. նա աժուսնացել է Թագուհի Մարուշյանի հետ, որը Ստամբուլի մի նշանավոր ընտանիքից էր: Նրանց ավագ արու զավակը՝ Ժորժ Վենսան Ազնավուրը (ըստ եկեղեցական արձանագրության՝ Գևորգ Վիլենի Ազնավուրյան) ծնվել է 1861 թ. դեկտեմբերի 18-ին, Ստամբուլում:

Ազնավուրն իր կրթությունը ստացել է Կալաթասարայի լիցեյում: Թուրքերենից ու հայերենից բացի, գիտեր ֆրանսերեն, լատիներեն և հունարեն. նա ուսումնասիրում էր աստղաբանություն և հատկապես բուսաբանություն, բայց միաժամանակ հետաքրքրվում էր նաև երաժշտությամբ:

Ֆրանսիական բուսաբանական ընկերության հրապարակած տեղեկագրից իմանում ենք, որ Ազնավուրը սկսած 1885 թ. այսինքն՝ 24 տարեկան հասակից սկսել է հավաքել Ստամբուլի շրջակայքի բույսերը: Սերը դեպի Ստամբուլի ֆլորան նրան մղել է մի կողմից՝ հարստացնելու իր հավաքածուն, մյուս կողմից՝ ձեռք բերելու համապատասխան գրականություն և կարճ ժամանակվա ընթացքում դառնալու հարուստ հերբարիումի ու գրադարանի տեր:

1896 թ. Ազնավուրը դառնում է ֆրանսիական բուսաբանական ընկերության անդամ, ուր մնում է մինչև իր կյանքի վերջը:

Նա իր առաջին գիտական հոդվածը հրատարակել է ֆրանսիական բուսաբանական ընկերության տեղեկագրում: Այս ուսումնասիրության մեջ տարբեր տաքսոններին վերաբերող նոր բույսերի հետ մեկտեղ բերվում են նաև Ազնավուրի հայտնաբերած 10 նոր տեսակները:

Սկսած 1885 թ. մինչև իր մահը, 36 տարի շարունակ, Ազնավուրն անընդմեջ ստեղծագործել է: Ստամբուլում նրան ճանաչում ու գնահատում էին Ֆրիշը, Հեքիմյանը, Քյոփրյուլյուն, Հաստ Շերաֆեդդին, Լորրին, Նեմեցը, Բ. Պոստը և Վիմմերը: Ազնավուրը սերտ հարաբերությունների մեջ էր օտարերկրացի բուսաբաններ Դեգենի (Հունգարիա), Բորնմյուլլերի (Գերմանիա) և Բովերի (Շվեյցարիա) հետ:

Նա նամակագրական կապեր է ունեցել ու գրքեր փոխանակել այնպիսի բուսաբանների հետ, ինչպիսիք են՝ Արոնսոնը, Դավիդովը, Տիրացույանը, Ֆլահուտը, Ֆրեյնը, Կադեսոն, Գոդենսը, Հանդել-Մացետտին, Հիլբերանդը, Կատսը, Մալին, Մանիսաչյանը, Գ. Պոստը, Պաուերսը, Ջիհեն, Վելենովսկին և Վորոնովը:

1897—1918 թթ. ընթացքում Ազնավուրը ոչ միայն ուսումնասիրել է Ստամբուլի շրջակայքի բուսական աշխարհը, այլև տարբեր առիթներով զբաղվել է Կոնյայի, Մարգավանի, Ռիզեյի, Վանի, Արարատի և էդեյան ծովի Սիրա կղզու բուսականությամբ և իր գիտական եզրակացությունները 19 հոդվածներով ֆրանսերեն լեզվով հրատարակել է Ֆրանսիայում, Հունգարիայում, Շվեյցարիայում և Գերմանիայում: Ազնավուրի հարուստ հերբարիումն ու աշխատությունները հատուկ տեղ են գրավում Ստամբուլի ու Անատոլիայի ֆլորայի ուսումնասիրության բնագավառում: Նա հայտնաբերել է 93 նոր բույսեր, որոնք բաղկացած են 44 նոր տեսակներից, 4 նոր ենթատեսակներից, 37 նոր տարատեսակներից և 8 նոր ենթատարատեսակներից: Ազնավուրի անվանակոչած 44 նոր տեսակներից 22-ը պատկանում է Ստամբուլի ֆլորային, 9-ը՝ Վանի, 6-ը՝ Արարատի, 4-ը՝ Կոնյայի, 1-ը՝ Դերենդեհի, 1-ը՝ Մարգավանի շրջակայքին և 1-ն էլ Սիրա կղզուն:

Դեռևս իր գիտական գործունեության սկզբնական շրջանում նա նկատում է, որ Ստամբուլի ֆլորան համարյա չուսումնասիրված, կուսական մի բնագավառ է, ուստի նա իր ամբողջ եռանդն

* Կյանքն ու Ստամբուլի ֆլորային նրա մատուցած ծառայությունը, առանձնատիպ թուրքական կենսաբանական ամսագրից, 14 (2):49—64, 1964 թ. (համառոտ թարգմանություն):

ու կարողությունը նվիրում է «Ստամբուլի ֆլորա»-ի հրապարակմանը: Սակայն 1920 թ. նոյեմբերի 11-ին, 59 տարեկան հասակում, Ազնավուրը մահանում է: Նրա շիրիմը գտնվում է Ստամբուլի Մեջիդիեթյոյի հայ կաթոլիկ համայնքի գերեզմանատանը:

Մահից անմիջապես հետո նրա բնակարանի մի բանի սենյակները զավթվում են և իր ազգականների վկայությամբ 20.000 բույսերի օրինակներից բաղկացած հերքարիումը, հարուստ դրադարանն ու հրապարակման համար համարյա պատրաստ «Ստամբուլի ֆլորան» մնում են այնտեղ:

Երկու տարի անց «Magyar Botanikai Lapok»-ում ազգիրր, հաղորդելով Ազնավուրի մահվան մասին, նշում է, թե Ստամբուլի ֆլորայի մասին 5 հատորանոց նրա աշխատությունը և 15000 նմուշից բաղկացած հերքարիումը դարձել է Ստամբուլի Ռոբերտ Կոլեջի սեփականությունը:

1945 թ. ֆրանսիական բնագրի հիման վրա սկսվեց հրատարակվել աշխատության թուրքերեն, թարգմանությունը: Ազնավուրը պատրաստել ու ամբողջական ձևով գրի էր առել ֆլորայի մասին մի աշխատություն: Այն գրված պիտի լիներ ֆրանսերեն, իսկ նոր տեսակների նկարագրությունը՝ լատիներեն: 4 հատորից բաղկացած այս ձեռագրի ամեն մի հատորն ուներ մեկ թիզ երկարություն և 3 մատ հաստություն: Ազնավուրը այդպես էլ ասում էր՝ աշխատությունը պատրաստ է տպագրության: Պոստը Ազնավուրին պիտի հիշատակեր որպես հեղինակ, իսկ իրեն՝ որպես հրատարակիչ և կամ աշխատությունը լրացնող ու տպագրության պատրաստողը:— գրում է Վիմսերը:

Նույն թվականին Ստամբուլի համալսարանի ֆիզիկա-մաթեմատիկական ֆակուլտետի բնագիտության բաժնի ամսագրի 7-րդ համարում լույս է տեսնում Ազնավուրի վերջին աշխատությունը՝ «Բողազիչի ու նրա շրջակայքի ֆլորան», բայց ոչ որպես նրա մենագրությունը (հեղինակներ՝ Աննա Պոստ և դ-ր Բերտրամ Վ. Դ. Պոստ, թարգմանիչ՝ դ-ր Մեհպարե-Բաշարման):

Այսպիսով՝ ղեկն 1918 թ. Ազնավուրի հրատարակած վերջին հոգվածում նկարագրված երկու տարբեր տեսակները, որոնց օրինակները նա նվիրել էր իր բարեկամ դ-ր Պոստին, 27 տարի անց սեփականացվում են ու գիտական աշխարհին ներկայացվում դ-ր Պոստի ու իր կնոջ հեղինակությամբ:

Ազնավուրի բույսերը 41 տարի հետո հանգրվանել են էդինբուրգի՝ Թուրքիայի ֆլորան ուսումնասիրող դ-ր Ինվիսի ու նրա աշխատակիցների իսկական գիտական օջախում:

Արդ Բեյօղլուից Բողազիչի, Բողազիչից Ժեն և վերջապես Ժենից էդինբուրգ տեղափոխված այս արժեքավոր հավաքածուն և աշխատությունը այժմ փախցրել ենք մեր ձեռքից:

Մեզ մնացել են միայն և միայն ֆրանսիական Սեն Բենուտ լիցեյում Ազնավուրի կրկնօրինակներից 500 օրինակից բաղկացած 9 տուփ բույսերը:

Ստորև բերվում է Ժ. Վ. Ազնավուրի 1897—1918 թթ. անվանակոչած 44 նոր տեսակների (փակագծերում տրված է բույսերի հավաքման վայրը) ցուցակը:

Նոր տեսակներ (Species nova)

Thesium bertramii (Կոնյա), *Gypsophila diaphylla* (Վան), *Paeonia kavachensis* (Վան), *Nigella bithynica* (Ստամբուլ), *Ranunculus thracicus* (Ստամբուլ), *Sisymbrium anomalum* (Ստամբուլ), *Isatis arenaria* (Ստամբուլ), *Arabis araratica* (Արարատ), *Erysimum degenianum* (Ստամբուլ), *Sedum propositum* (Ստամբուլ), *Sedum pulchellum* (Վան), *Parnassia vanensis* (Վան), *Potentilla bertramii* (Արարատ), *Alchemilla minutiflora* (Ստամբուլ), *Ononis decipiens* (Ստամբուլ), *Trifolium parantzemae* (Վան), *Astragalus araraticus* (Արարատ), *Erodium bertramii* (Կոնյա), *Linum bithynicum* (Ստամբուլ), *Linum vanense* (Վան), *Linum verruciferum* (Կոնյա), *Hypericum byzantinum* (Ստամբուլ), *Aissworthia byzantina* (Ստամբուլ), *Cuscuta laxiflora* (Ստամբուլ), *Solenanthus tchitounyi* (Վան), *Symphytum pseudobulbosum* (Ստամբուլ), *Onosma proponticum* (Ստամբուլ), *Teucrium degenianum* (Ստամբուլ), *Nepeta bertramii* (Արարատ), *Lamium oreades* (Արարատ), *Salvia lobryana* (Սիրա կղզի), *Anthemis rouyana* (Ստամբուլ), *Jurinea kilaea* (Ստամբուլ), *Serratula bornmuelleri* (Դերինդեհ), *Centaurea araratica* (Արարատ), *Lactuca vanensis* (Վան), *Alopecurus neglectus* (Ստամբուլ), *Poa iconia* (Կոնյա), *Aegilops turcica* (Ստամբուլ), *Colchicum chalcedonicum* (Ստամբուլ), *Morendera manissadiziani* (Մարցվան), *Allium peroninianum* (Ստամբուլ), *Tulipa tchitounyi* (Վան), *Ornithogalum byzantinum* (Ստամբուլ):